

溫江縣志卷二十三

蠲政

康熙二十五年奉

上諭自古帝王撫馭九有軫念民依凡鞠謀生養爲計甚周猶以賜復蠲租爲布德行仁之要務朕嘉與海內元元共圖樂利弛征減賦時厪於懷惟頻渙恩施俾萬姓得沾實惠念直隸畿輔重地天下根本寬租之詔屢沛往年但順永保河四府較之畿南諸府差役倍多供億尤劇應再加軫恤又湖北

溫江縣志

卷二十三

蠲政

一

湖南福建四川貴州地方昔年爲賊踞據民遭苦累今雖獲有寧字更宜培養以厚民生一體蠲免用昭愷澤直隸順永保河四府及四川貴州兩省所有康熙二十六年應徵地丁各項錢糧俱著蠲免二十五年未完錢糧亦著悉與豁免除湖北湖南福建三省所有康熙二十六年下半年二十七年上半年地丁各項錢糧及二十五年未完錢糧亦與盡行豁免爾部速行該地方官通行曉諭務使人民均被恩賞以副朕愛育蒼生至意如有不

肖有司官役借端朦混及私行重徵者該督撫指名題參從重治罪如該督撫徇隱不行糾舉或經參奏或被告發定行一併從重治罪爾部卽遵諭行特示

康熙三十二年奉

上諭朕撫馭寰宇蚤夜孜孜惟以實惠及民俾登康阜爲念廣西四川貴州雲南四省俱屬邊地土壤磽瘠民生艱苦與服內舟車輻輳得以廣資生計者不同朕時切軫懷歷歲以來屢施恩恤廣西省康

溫江縣志

卷二十三

蠲政

二

熙十六年通省錢糧十七年十八年民欠錢糧貴州省二十二年秋冬及二十三年春夏地丁錢糧又貴州四川二省二十五年未完及二十六年應徵錢糧雲南省二十七年以前屯地積欠錢糧俱經次第蠲豁茲念育民之道無如寬賦矧邊省地方非再沛優恤之恩則閭閻無有充裕所有康熙三十三年四省應徵地丁銀米著通行蠲免仍行文該督撫徧加曉諭令人人均沾實澤以稱朕嘉惠遠省民生至意如有不肖有司借端朦混私自

徵收者該督撫指名奏劾從重治罪爾部卽遵諭
行特諭

巡撫四川提督軍務都察院右僉都御史貝和諾
題爲欽奉

恩詔事康熙四十二年四月十八日准戶部咨四川
清吏司案呈康熙四十二年三月十八日恭逢

恩詔內開一恤民以免錢糧爲要是以直隸各省錢
糧屢經蠲免但雲南貴州四川廣西四省俱屬極
邊之地朕未經巡視數年以來又未曾蠲免錢糧

溫江縣志

卷二十三

蠲政

三

宜更施恩四省康熙四十三年應徵地丁各項錢
糧通著蠲免該部速行文地方官員徧行曉諭務
使小民得沾實惠欽此欽遵爲此合咨前去遵照
恩詔內事理欽遵施行等因移咨到臣欽此隨卽行
司道府廳州縣一體欽遵

恩詔將康熙四十三年應徵地丁各項錢糧通行蠲
免並出示徧貼各鄉村市鎮曉諭使小民一體周
知均沾實惠隨據闔省士民張烺張吾瑾徐仰廉
等歡呼踴躍環聚公庭呈稱我

皇上洪恩普被遠及萬方已無一夫不得其所又仰荷聖慈軫念蜀省極邊小民

特頒恩詔將四十三年應徵地丁各項錢糧通著蠲免如此

皇仁浩蕩煇等無由報答惟朝夕焚香頂祝願我聖主萬壽無疆并請代爲

奏謝等語到臣該臣看得蜀省遠處極邊荷蒙

皇上時加軫恤今又

欽頒

溫江縣志

卷二十三 蠲政

四

恩詔將康熙四十三年應徵地丁各項錢糧蠲免臣准部咨隨即通行一體欽遵并刊刻告示曉諭務使均沾實惠以仰副

皇上愛養元元至意茲據通省紳衿士民歡呼踴躍懇請代爲

題謝

皇恩等情前來理合具

題伏祈

皇上睿鑒施行爲此謹具

奏

聞

康熙四十九年十月初三日奉

聖祖仁皇帝詔曰朕躬膺

天眷祇承

烈祖鴻庥統馭萬方子育兆庶厪懷致中宵旰靡寧幸

際海宇同風邊隅向化遐邇中外貼然衽席之安

者皆仰荷

天地

溫江縣志

卷二十三 蠲政

五

祖宗福佑之致也方朕八齡踐祚之初

太皇太后問朕何欲朕對臣無他欲惟願天下治安生

民樂業共享太平之福而已迄今五十年矣惓惓

此心未嘗一日稍釋每思民爲邦本勤恤爲先政

在養民蠲租爲急數十年以來除水旱災傷例應

豁免外其直省錢糧次第通蠲一年者屢經舉行

更有一年蠲及數省一省連蠲數年者前後蠲除

之數據戶部奏稱通共會計已逾萬萬朕一無所

顧惜百姓足君孰與不足朝廷恩澤不施及於百

姓將安施乎朕每歲供御所需概從儉約各項奏銷浮冒亦漸次釐革外無師旅餉饋之煩內無工役興作之費因以歷年節省之儲蓄爲頻歲渙解之恩膏朕之蠲免屢行而無國計不足之慮亦恃此經畫之有素也比來省方時邁已歷七省南北人民風俗及日用生計靡不周知而民生所以未盡殷阜者良由承平旣久戶口日蕃地不加增產不加益日用不給理有固然朕洞屬此隱時深軫念爰不靳敷仁用甦民力明年爲康熙五十年思

沛大恩以及吾民願欲將天下錢糧一概蠲免因衆大臣集議恐各處需用兵餉撥解之際兵民驛遞益致煩苦細加籌畫悉以奏聞故自明年始終三年以內通免一週俾遠近均沾德澤直隸奉天浙江福建廣東廣西四川雲南貴州各巡撫及府尹所屬除漕項錢糧外康熙五十年應徵地畝銀共七百二十二萬六千一百兩有奇應徵人丁銀共一百一十五萬一千兩有奇俱著察明全免並歷年舊欠一百一十八萬五千四百兩有奇俱著

免徵其五十一年五十二年應蠲省分至期候旨
遵行民間舊欠既經豁免嗣後每年額徵錢糧務
如數全完倘完不及額或別有虧空託稱民欠則
負國甚矣卽責令督撫以下官員償補仍從重治
罪夫地方大吏以及監司守令皆與吾民誼均休
戚者也誠克體朕孳孳保赤之懷實心愛養力杜
侵牟腴削則閭閻咸得衣食滋殖無有失所而爲
官吏者亦身名俱泰豈非昇平樂利之盛事歟爾
部移文各督撫諭旨到日卽刊刻頒布遍示窮簷

令咸知悉特諭

巡撫四川提督軍務都察院右僉都御史憲德爲
仰沐

皇恩懇請代陳樂輸報効事今歲川省辦理西藏烏蒙
各路軍糈俱先動用附近州縣倉穀碾運至秋收
動用軍需銀兩買補還倉經臣

題明部議允准除辦米州縣已自倉領谷碾運者現
在發銀催令買補外有成都府屬之崇慶州原於
碾辦之時傳令里民領穀碾辦據各里民詞稱各

家俱有現食餘米可應軍務若現領穀碾辦恐致
遲誤不若將各家現有之餘米攢湊應付其穀石
暫貯在倉俟用著取領等情申報前來臣隨檄令
百姓照數領穀官吏無得遲累侵扣去後茲據成
都府知府王滂詳稱委署知州田廷錫申報崇慶
州紳衿士民舉人李青霽等詞稱崇慶州僻處川
西兵燹凋殘地土榛蕪我
朝定鼎之後沐

聖祖仁皇帝加意撫綏以故田地日闢戶口日增兼鼓士

氣右文重學家興禮讓人爭奉公六十餘年深仁
厚澤已淪肌而浹髓矣今

皇上繼統以來勵精圖治念切民生故五星照聯珠之
休日月垂合璧之象雨順風調年登大有此普天
之同慶而爲亘古所未有也偶有小醜釁起西域
更遇狂悖騷動南川致厘

睿慮勞我六師崇慶州先後共計攢湊過軍需米一千
五百石屢奉諭令里甲花戶人等赴倉領穀竊思
攘外所以安內除寇所以寧民今大兵之遠涉無

非爲小民身家計爲民者正欲捐輸代辦稍効涓
滴何忍以出過斗升之米而領倉穀以計償乎幸
沐

皇恩恒獲有年婦子食用尙不需此矧倉穀所儲莫非
皇恩廣大爲百姓備凶荒今茲豐衣足食之日乞念下
民之樂輸留此穀石永爲崇慶州之厚資等情疊
次聯名具呈不已臣伏查西藏烏蒙等處辦運軍
需我

皇上軫念民生不忍絲毫累及民間故暫動倉穀碾運

溫江縣志

卷二十三

蠲政

九

秋成發帑買補抵還正項

恩至渥矣今崇慶州民以己資代辦已經三次穀至
三千餘石及催令赴倉償還乃紳衿士庶各稱情
願捐輸異口同聲固由時和年豐家給人足實我
皇上仁育義正之休無遠弗屆教養安全故百姓急公
樂義如斯也臣不敢壅於

上聞據實陳

奏伏乞

皇上睿鑒俯允施行爲此謹

奏雍正六年十一月十六日奏十二月十八日奉
旨據巡撫憲德奏稱崇慶州紳衿士民將各家現有之
餘米湊運軍需及諭令領穀石僉稱叨沐
皇恩豐衣足食情願樂輸畱此穀石永爲崇慶州之厚
資等語該州紳衿士民尙義急公情詞肫摯此皆
聖祖仁皇帝六十餘年深仁厚澤浹髓淪肌是以風俗淳
厚人心感戴朕心甚爲慰慶著將崇慶州雍正七
年額徵錢糧全行蠲免以示格外加恩良善之至
意該部知道

溫江縣志

卷二十三

蠲政

十

巡撫四川提督軍務都察院右僉都御史憲德爲
仰沐

皇恩懇請代陳樂輸報効事雍正七年六月十六日准
戶部咨四川清吏司案呈戶科抄出四川巡撫憲
德題前事雍正七年二月初五日

題三月初三日奉

旨該部知道餘著議奏欽此欽遵於三月初四日抄出
到部該_臣等查得四川巡撫憲德疏稱崇慶州屬
士民公捐米石上佐軍需經_臣具奏仰荷

皇仁下逮將崇慶州雍正七年額徵錢糧全行蠲免臣
接准部咨差成都府知府王潯親詣崇慶州徧加
宣諭務使蔀屋茆簷咸聞
俞旨窮鄉僻壤共沐

恩光茲據署布政司事建昌道參議劉應鼎詳據成都
府知府王潯詳稱據該州紳衿士民葉榮賢等感
激

天恩懇請代

謝伏以蠲租益下爲

溫江縣志

卷二十三 蠲政

十一

聖世之隆施而惟正是供實下民之常分當此軍精孔
亟民累全無若論衆姓之公捐尙不足抵當年之
私派今州屬錢糧七千餘兩照冊全蠲爲數不爲
不多受之已爲過分至於自首田畝於雍正五年
分已納之糧前蒙

聖恩准抵雍正七年徵收之數此項田畝旣蒙赦其從
前隱匿之罪何敢復邀免本年應納之糧所有雍
正五年分已徵在官者情願於本年抵銷其丈量
未畢者情願亦於本年一體輸納等情理合恭疏

代

題等因具

題前來查川省隱匿田地雍正五年五月十五日欽奉

上諭特沛寬大之恩准自行首出將從前欺隱之罪悉從寬免定限一年令其首報統於雍正七年入額徵解_臣部欽遵行文去後該撫憲德以川省之地欺隱太甚將本年首報之戶業已

題准於雍正五年徵收則續行首報之糧應請一例

溫江縣志

卷二十三 蠲政

十二

於雍正五年起徵_臣部議覆以後報田糧在已經奉到

恩旨之後令該撫謹遵

諭旨總於雍正七年入額徵解但在一年內自首者悉遵

恩旨奉行等因奉

旨依議欽遵行文在案嗣據該撫憲德以奉到

恩旨之後各屬已徵自首田糧若給發各州縣轉發納戶誠恐里戶繁多糧銀細碎反有胥役乘機侵蝕

之弊

題請留抵雍正七年之額徵臣部議覆准其留抵奉旨依議欽遵亦行文在案今該撫憲德疏稱崇慶州紳衿士民葉榮賢等感激

皇上蠲免額賦之

恩情願將雍正五年自首田地已徵在官之糧仍於本年抵銷丈量未畢者亦情願於本年一體輸納據情代

題等語在百姓感激輸將實出於至誠然我

溫江縣志

卷二十三 蠲政

十三

皇上仁恩浩蕩概寬從前隱匿之罪令其自首統於七年入額徵解復因崇慶州供墊軍糈將一州七年額課全行蠲免正所以嘉惠元元使其共沐恩波之意今若照該撫憲德所請將雍正五年田地已徵在官之糧仍於本年抵銷丈量未畢者亦於本年一體輸納與從前留抵新糧之

恩旨不相符合應令該撫憲德將雍正五年已徵之糧留抵庚戌年正課其丈量未畢者亦統俟庚戌年輸納俾得均沾實惠以仰副我

皇上澤沛申重之至意俟丈量事竣之日將地畝科則應徵數目分晰造具清冊送部查核可也等因於雍正七年四月十九日

題本月二十一日奉

旨依議

巡撫四川提督軍務都察院右僉都御史憲德爲聖旨溥博如天等事瀘州里民王在廷等先經具呈樂輸軍需米石一案臣將未經允其所請緣由據實陳奏仰荷

溫江縣志

卷二十三

蠲政

十四

皇仁廣被著照崇慶州之例將瀘州雍正七年額徵錢糧全行豁免臣接准部咨隨卽差成都府理事同知德爾格前詣瀘州廣行宣布並令該地方官親歷四境遍加曉諭務使窮鄉僻壤共曉

恩綸咸沾實惠茲據布敢使趙宏恩詳准永寧道劉嵩齡移據代辦瀘州合江縣江聯輝詳據本州紳衿士庶余遐福等呈稱竊惟萬方惟正之供乃國家之大計九土輸將之職爲臣庶之常經福等咸願公捐軍米不敢支領倉儲農有餘夫正可以輓

輸自效民多餘力何曾以負戴爲勞論小民之報
効猶未竭夫涓埃乃

皇上之恩膏更莫窺其高厚寸絲斗粟悉酬父子之勞
蠲稅除租咸荷

君王之賜從此千家澤潤萬姓春生矣聞崇慶州士庶
以

恩免錢糧願將雍正五年自首已徵在官寬至雍正
七年起科之糧乃於本年抵銷並現年自首尙未
查丈定數之糧一體輸納公懇在案福等亦照崇

溫江縣志

卷二十三

蠲政

十五

慶州民之請情願一體完納等情理合恭疏代
題伏祈

皇上睿鑒施行爲此謹

奏雍正七年四月二十六日題六月初一日奉

旨崇慶州已徵之糧留抵庚戌年正課其丈量未畢者
亦俟庚戌年輸納已有旨了這所請瀘屬願輸錢
糧著照崇慶州之例行該部知道

巡撫四川提督軍務都察院右僉都御史憲德

題爲恭謝

天恩仰懇

題達事雍正七年閏七月十三日准戶部咨爲欽奉
上諭事陝西清吏司案呈內閣抄出奉

上諭朕愛養黎元遐邇一體而邊遠之地小民家計不
及近省尤朕心之所繫念數年以來甘肅四川雲
南貴州廣西五省有用兵西藏及剿撫苗蠻等事
其一應軍需皆動用公帑備辦秋毫不派及於民
間而糧餉轉輸亦有資於民力今藏地苗疆俱已
寧謐朕心嘉慰特沛恩膏著將庚戌年甘肅額徵

溫江縣志

卷二十三 蠲政

十六

地丁銀二十七萬七千六百兩零四川額徵地丁
銀三十一萬六千三百兩零雲南額徵地丁銀十
四萬一千六百兩零廣西額徵地丁銀三十五萬三
千九百兩零悉行蠲免其西安各屬地方近日亦
有預備軍需之事朕心軫念著將庚戌年額徵錢
糧蠲免十分之三共計銀四十七萬九千九百兩
零此六省督撫大吏宜仰體朕心轉飭所屬有司
敬謹奉行務使閭閻均沾實惠如有奉行不力被
不肖有司暗飽私囊或被奸胥土棍強紳劣衿包

攬侵蝕者朕必訪聞得知將通省大小官員分別從重治罪至於國家設官本以理民官有恤下之責民有奉上之義若設官而不爲計及養廉之資則有司之賢者將窘迫而莫能支不肖者又將橫取而無所檢束矣是以酌定錢糧耗羨均給各官養廉之法此揆情度理上下相安之道但思加恩百姓豁免正賦若將耗羨一併蠲除是民雖邀格外之恩而官轉有拮据之苦上司或因此稍有寬假則必致巧取苛索於民流弊種種轉多於耗羨

之數於吏治民生均無裨益嘗見庸劣地方官每以蠲免錢糧爲不便於己心懷悵快卽此意也著於庚戌年爲始凡遇特恩蠲免錢糧者其耗羨仍舊輸納諒必民所樂從若因水旱蠲免者不得徵收耗羨將此永著爲例欽此欽遵於雍正七年六月十二日抄出到部相應行文

甘肅四川雲南貴州廣西西安各省督撫遵奉

上諭事將庚戌年甘肅四川雲南貴州廣西五省額徵地丁銀兩悉行蠲免西安蠲免十分之三部文到

日地方官著卽徧爲曉諭務使小民均沾實惠如有奉行不力及借端勒索侵蝕情弊該督撫卽行指名題參從重治罪仍將蠲免過銀兩細數造冊報部至耗羨銀兩仍舊照常徵收將各州縣衛所徵過耗羨銀兩數目於歲底造冊報部查核竝知照直隸等省及順天奉天二府自庚戌年爲始凡遇

特恩蠲免錢糧者其耗羨仍舊輸納若因水旱蠲免者不得徵收耗羨永爲定例遵行可也爲此合咨

溫江縣志

卷二十三

蠲政

十八

前去查照

上諭內事理欽遵施行等因移咨到臣欽此當卽出示曉諭時因秋闈已近各屬紳士雲集省城隨率同在城文武官員紳衿士庶軍民人等望

闕叩謝

皇恩萬姓歡呼踴躍又行布政司刊刻告示轉發各府州縣衛所徧行曉諭務使窮鄉僻壤咸聞

俞旨共沐

皇仁去後茲於雍正七年八月初三日據四川闔省紳

士宋瑋董新策張晉生葛秉敬等呈前事內稱竊
念蜀省介在天末

聖朝屢沛

恩膏教育百年生成萬彙欽惟我

皇上臨御以來眷顧時切凡茲命官取士重農恤兵以
及田賦之均平蠻荒之綏靖無不上關

睿慮措置得宜猶復軫念民依蠲租來歲俾凡六省之
衆均沾一體之仁似此正供原屬定分况比戶催
科不擾樂享太平且連年水旱無憂豐登大有今

溫江縣志

卷二十三 蠲政

十九

荷

皇恩浩蕩

天語周詳免此數十萬之金錢恤我億兆人之家室十
行

詔下四野歡騰從此千斯倉萬斯箱俱屬

皇仁之優渥耕而食鑿而飲彌知

帝力之高深白叟黃童共慶三生有幸深山窮谷齊呼
萬壽無疆瑋等安棲畎畝榮列衣冠夙受豢養之

恩難効涓埃之報同邀異數敬展愚忱感激有心頌

揚莫罄懇乞俯順輿情代

題稱謝等情到臣欽惟我

皇上

治洽堯封

恩周禹甸

深仁布濩宣阜財解愠之風

至德覃敷宏擊壤歌衢之化

祈年祈穀時時陳七月之詩

賜半賜全歲歲下三年之詔固已秉穗有十千之積

溫江縣志

卷二十三 蠲政

二十

倉箱畱三九之餘矣乃猶以綏安西藏剿撫苗蠻

雖諸路軍需無不動支

國帑而計程輓運猶慮勞我農人在羣情固樂於輸

將惟

睿慮常殷於撫字民若曰衣食足矣幸無煩宵旰之憂

勞

君若曰物力艱哉宜重恤閭閻之疾苦蓄於國何如蓄

於野庶木金不患其穰饑富在官無寧富在民使

菽粟恒多於水火爰申

天語用飭地官弛各省之催科免本年之租稅
紫綸飛下

恩流邊鄙千村

丹詔傳來

澤沛西南半壁伏念蜀省之民安物阜仰荷

天庥而比年之開墾頻增無遺地利茲復供輸不事
無夜吠之驚兼之地丁全除吏絕朝呼之擾崇瀘
多委積一年有再見之

絲綸巴蜀遍桑麻九郡沐同時之

溫江縣志

卷二十三 蠲政

二十一

膏雨兵旣吉凶有備歡呼於戢弓戢矢之餘民復樂利
頻仍含鼓於鑿井耕田之下擬蜀山之聳峙難齊
帝德巍巍極峽水之汪洋莫竝

皇恩蕩蕩 臣 仰體

聖朝之溥愛宣布惟周欽承

利濟之寬仁奉行是力戒飭蠹胥猾吏毋滋中飽分
肥務使

湛露均沾咸拜雨粟雨金之賜

陽春疊至共賡如雲如日之謠茲據闔省紳士里民

呈請前來理合恭疏代

題伏祈

皇上睿鑒施行爲此具本謹具奏

聞

總開屢年

恩免錢糧數目

康熙二十六年湖福川貴四省錢糧俱著蠲免

康熙三十三年雲貴川廣四省錢糧俱著蠲免

康熙四十三年雲貴川廣四省錢糧俱著蠲免

溫江縣志

卷二十三 蠲政

二十二

康熙五十一年普免天下錢糧

雍正七年蠲免四川地丁銀三十一萬六千三百

兩零

乾隆十年普免天下錢糧

乾隆三十五年普免天下錢糧四川輪於三十六

年蠲免

乾隆三十七年川省官兵所經之道各府州縣錢

糧全行蠲免

乾隆三十八年成華溫郫等二十三州縣錢糧全

行蠲免

乾隆三十九年酌免十分之五

乾隆四十二年成華溫郫等二十三州縣緩征錢糧全行蠲免

乾隆四十三年普免天下錢糧

乾隆五十五年普免天下錢糧四川輪於五十八年蠲免

嘉慶元年本縣應徵地丁錢糧奉文蠲一次又因普免天下節年積欠內六省年清年欸復免次年

溫江縣志

卷二十三 蠲政

二十三

正徵十分之二以昭平允本縣應徵錢糧十分輸入